

CÒPIA



COMUNE DE PUTUMAJORE
PROVÌNTZIA DE TÀTARI

VERBALE DE DELIBERATZIONE
DE SA GIUNTA COMUNALE

Delibera 71 de su 24-06-2019

Ogetu:	Su de atzetare espositzione materiale fotogràficu dadu a s'indonu dae unu tzitadinu privadu a su Museu de su Caddu. Diretivas a sos ufitzios.
---------------	--

S'annu duamìgia e deghennoe sa die bintibator de su mese de làmpadas a sas 13:10, in sa sala de sas adunàntzias, acumpridas totus sas formalidades prevididas dae sa lege in vigèntzia, sunt istados cunvocados sos cumponentes de sa Giunta Comunale.

A s'apellu resurtant:

Soro Mariano	Sìndigu	P
Aranzanu Antonella	Assessore	P
Mannu Luisa	Vitze Sìndigu	P
Marchesi Pierluigi	Assessore	A
Spanu Bernardo	Assessore	A

Totale presentes n. 3 e ausentes n. 2.

Partètzipat a s'adunàntzia su Vitze Segretàriu Comunale Dut.ra Antonella Iervolino chi pruvìdit a redatzionare custu verbale.

Essende legale su nùmeru de sos interbènnidos, su Sen. Mariano Soro in sa calidade sua de Sìndigu leat sa presidèntzia e de crarat aberta sa setziada pro tratate sa chistione indicada in s'ogetu.

SA GIUNTA COMUNALE

Premittidu chi in su Comune de Putumajore b'est su Museu de su Caddu in ue sunt organizadas puru esposizioni e àteras manifestatzione pùblicas;

Bida sa nota pervènnida dae su Senn. Franco Belmonte cun sa cale est presentada un'oferta pro s'esposizione de 180 fotogràfias chi costituint una mostra itinerante relativa a sos tres annos dae su 1915 a su 1918 dedicata a sos animales impreados in sa Gherra Manna;

Ritènnidu chi sas figuras de sas cales si tratat podent èssere unu riferimentu istòricu de importu pro sas generatziones giòvanas:

Consideradu chi custa esposizione non cajonat perunu ònere finantziàriu a càrrigu de s'Ente;

Ritènnidu de incarrigare su Responsàbile de sos Servìtzios Culturales inclùdidos in su Settore Amministrativu pro ammaniare totu sos atos netzessàrios a sa resèssida de s'esposizione incarrighende nde de fatu sa Cooperativa Pintadera chi at sa gestione de su Museu de su Caddu;

Bidu su D.lgs. n. 267/2000 e smi;

Bidu s' Istatutu comunale;

Cun votos totu de acordu che pare espressados a manera legale e crara:

DELIBERAT

De recramare sa premissa in subra comente parte integrante de custu atu;

De atzetare s'oferta de su Sennor Franco Belmonte chi currispondet a prus o mancu n. 180 fotogràfias relativas a sos animales impreados in sos tres annos dae su 1915 a su 1918 in sa Gherra Manna;

De incarrigare su Responsàbile de sos Servìtzios Culturales pro adotare sos atos netzessàrios a sa resessida bona de s'esposizione;

De dare atu chi cantu deliberadu non cajonat òneres deretos o riflessos subra de su bilàntziu de su Comune e chi duncas no est netzessàriu su parre de regularidade contàbile de s'Ufìtziu Finantziàriu;

Cun àtera votazione totu de acordu:

DELIBERAT

De decrarare custa deliberatzione urgente e luego esecutàbile cunforma a s'art. 134, comma 4, de su Decretu legislativu 18 de austu de su 2000, n. 267.

Su presente verbale est lèghidu, aprovalu e sutascritu.

Su Sìndigu
F.du Senn. Mariano Soro

Su Vitze Segretàriu Comunale
F.du Dut.ra Antonella Iervolino

**PARRES DE SOS CALES A S'ART. 49 DE SU D.lgs.
18/08/2000 N. 267**

Parre a Favore pro su chi pertocat sa Regularidade tècnica in mèritu a sa proposta de sa cale a custa deliberatzione.

SU RESPONSÀBILE DE SU
SERVÌTZIU
F.du Dut.ra Antonella Iervolino

Su sutascritu, responsàbile de sa publicatzione in s'albu pretòriu, bidos sos atos de ufitziu, atestat chi custa deliberatzione est istada afissada pro bìndighi dies sighidas dae su 26-06-2019 a su 11-07-2019

Pozzomaggiore, 26-06-2019

Su Vitze Segretàriu Comunale
F.du Dut.ra Antonella Iervolino

Su sutascritu, bidos sos atos de ufitziu

ATESTAT

Chi custa deliberatzione est divènnida luego esecutiva sa die 24-06-2019:

- ca decrada luego esecutiva (art. 134, c. 2, D.lgs. n. 267/2000);

Putumajore, 26-06-2019

su Vitze Segretàriu Comunale
F.du Dut.ra Antonella Iervolino

Est còpia cunforma a s'originale pro impreu amministrativu.

Putumajore, 26-06-2019

Su Vitze Segretàriu Comunale
Dut.ra Antonella Iervolino